


戒因緣經

籍

才六

三音甲六  
姑六

50195



戒因緣經卷第六

姑

姚秦三藏竺佛念譯

鼻奈耶第六

阿尼竭法第三

佛世尊遊舍衛國祇樹給孤獨園時尊者迦  
留陀夷數至浮帶優婆夷舍無人屏猥處共  
坐時浮多優婆夷欲為不淨行共一處坐時  
迦留陀夷可其意復恐犯戒而不從之時比  
舍長者見還私相語此沙門釋子自稱歎我  
精進無儔及今與婦女在屏猥處坐必當有





異諸頭陀比丘往具白世尊世尊知而問優  
陀夷審爲此事不優陀夷白佛審尔世尊世  
尊因此事集和合僧備十功德佛與沙門結  
戒若比丘與婦女屏猥處坐受婦女語說棄  
捐說僧決斷說波逸提比丘坐聽此三法棄  
捐僧決舍墮此者阿尼竭不定  
時迦留陀夷復更至浮帶優婆夷舍共露地  
敷座而坐時是優婆夷露處欲牽捉迦留陀  
夷身共一處坐時迦留陀夷意念欲隨復恐  
犯戒諸長者見私相告語此沙門釋子常自  
稱歎精進無儔正今共婦女露地共坐語必  
當有異諸頭陀比丘聞往具白世尊世尊告

曰若比丘共婦女露地敷座聽婦女語說二  
法僧伽婆尸沙波逸提若比丘聽此二法者  
阿尼竭

尼薩耆波逸提法第四

佛世尊遊舍衛國祇樹給孤獨園時跋難陀  
釋子貯畜衣裳積久朽敗蟲蠹鼠啣諸長者  
見各懷嫌恨自相謂言此沙門釋子衣裳飾  
儉而今貯畜衣裳積久朽敗蟲蠹鼠啣時長  
者便告諸頭陀比丘諸比丘不知當何報便  
往具白世尊世尊因此事集和合僧備十功  
德爲沙門結戒若比丘有三衣及一日成衣  
得終身持若過者尼薩耆波逸提



佛世尊遊王舍城竹園迦蘭陀所時摩訶闍  
葉往耆闍崛山時摩訶闍葉有僧小緣不著  
僧伽梨至竹園時天淋雨不得還上耆闍崛  
山明日還石室便自懷疑我不失僧伽梨婆  
往具白世尊世尊告曰若比丘不著三衣及  
一日成衣至他家一宿者不持僧伽梨優多  
羅僧安陀<sup>姑</sup>衛去者除其僧使尼薩耆<sup>王</sup>波逸提  
佛世尊遊舍衛國祇樹給孤獨園時有達暮  
提那比丘尼共諸比丘尼於舍衛夏坐時王  
波斯匿力人近此比丘尼園止住此力人於  
波斯匿王所得廩食日日博戲輕用不足供  
身諸婦女衣不蔽形此比丘尼日日聞戲笑

聲明日比丘尼便往至力人婦女家語諸婦  
女衣何麤惡不足蔽形婦女報言所賜廩纔  
足供口不足衣帶比丘尼語汝所得賜半用  
衣食半用布施諸婦女荅諾如來教時官有  
賜輒留半衣食半用布施時力人家漸漸大  
富衣食豐盈所著衣裳與人有異諸婦女各  
相謂言我等所有錢財是達暮提那比丘尼  
恩力當共相率報恩時婦女便語其夫我等  
富足由達暮提那比丘尼欲請夏四月坐一  
處供養設好淨飯夫報婦大佳時諸力人往  
詣達暮提那比丘尼所頭面禮足在一面坐  
時比丘尼與說法說法已默然不語時力人



從座起長跪叉手白比丘尼言從今以去歸  
佛歸法歸比丘僧願聽為優婆塞盡命不殺  
生願諸阿夷受夏四月請諸比丘尼答今佛  
近在祇洹先請佛者當往受請力人報當往  
請力人便往詣祇樹給孤獨園頭面禮足在  
一面坐世尊為說種種法說法已須臾退坐  
白世尊言願世尊及比丘僧於此國受貧鄙  
夏四月坐時世尊默然受請諸力人見世尊  
默然許可從座起頭面禮足繞佛三匝便退  
還家為佛比丘僧辦具飲食供四月調世尊  
知夏坐日逼將比丘僧至彼夏坐四月時諸  
力人供佛比丘僧衣裳飲食病瘦醫藥四月



竟諸力人得信佛非灑水不飲常持灑水器  
擊弓韃側時王波斯匿邊界畔遙召諸力人  
某處畔遙汝等當往攻伐諸力士拜唯如王  
命時諸大目白王言王遣力士至彼攻伐不  
能克辦王問何故不辦目荅諸力人非灑水  
不飲小蟲常不殺何況能攻伐彼王問諸力  
人汝等將不誤我事耶力人荅不審何事王  
曰聞汝等非灑水不飲於小蟲尚尔況能攻  
伐大者力人荅此小蟲無過於王若當犯王  
法者亦殺不置王便作是念或有人淨潔非  
灑水不飲時諸力人便相謂言前供養世尊  
比丘僧竟未施衣若當征行或沒不還今曼

時可共施比丘僧衣便搗捷搗比丘雲集唯  
佛不來時諸力人以衣施比丘僧比丘僧不  
受恐犯長衣諸力人強施諸比丘不知何答  
往白世尊世尊告曰得受衣以慈悲受時世  
尊因此事與沙門結戒若比丘有三衣及一  
日成衣若得長衣此比丘自手受得一月著  
過一月與人若過一月自畜者尼薩耆波逸  
提時諸力人以得慈意便往征伐兩敵相對  
即坐慈三昧外敵便退其入慈三昧者火不  
能燒刀斫不入飲毒不死不為他所殺王波  
斯匿聞此力人征伐有功重增田業加廩賞  
二倍佛遊舍衛國祇樹給孤獨園今時阿羅



鞞比丘尼平旦著衣持鉢入舍衛分衛分衛  
已還出城舉衣鉢洗足尼師壇著肩上往詣  
安陀婆山以尼師壇布一樹下結跏趺坐介  
時有賊劫人已得財物逃此山中時有賊主信  
佛法衆遙見比丘尼坐樹下安禪顏貌端正  
諸根恬息時此賊主見比丘尼已倍歡喜踊  
躍持一段肉來布施比丘尼比丘尼答我今  
一食過時不餐賊主益復歡喜以極細疊一  
端裹此肉懸著樹若有沙門婆羅門取者永  
以施之作是語已便還出山時比丘尼便思  
惟賊主作此語留疊肉者為我故明日平旦  
比丘尼持此肉入祇樹給孤獨園持肉付麁

供衆比丘食還持白疊著肩上來出跋難陀  
釋子見問阿夷何所得此白疊鮮明淨好從  
何許得可以見惠比丘尼不遙即以疊與跋  
難陀釋子語諸比丘比丘尼以疊施我時比  
丘尼便作是念故來入城不見世尊便還者  
非我禮即往世尊所衣裳弊壞世尊遙見比  
丘尼來姑六卷願語阿難汝取一捨衣與此比丘尼牛志  
時阿難即以捨衣與比丘尼比丘尼取著前  
至佛所頭面禮足在一面住世尊為說法說  
法已世尊告汝還所在今正是時即頭面禮  
足而去比丘尼去不久佛問阿難此比丘尼  
衣何以弊壞阿難白佛此比丘尼向有一端



白疊跋難陀奪去。尔時世尊因此事集和合  
僧告諸比丘云：何比丘此比丘尼衣裳弊壞  
而奪其疊。世尊無數方便誨責已，與沙門結  
戒。若比丘非親里比丘尼奪衣取衣，及從與  
者除其貧。易尼薩耆波逸提。

佛世尊遊舍衛國祇樹給孤獨園。尔時迦留  
陀夷往與崛多比丘尼知識別行。二月分衛  
二月分衛已，漸還至舍衛時，崛多比丘尼聞  
迦留陀夷分衛已訖，還至舍衛比丘尼便澡  
浴身體，以香油塗首，粉黛糝面，治齒，鵠白著  
新衣裳，往詣迦留陀夷所，頭面禮足，在其前  
坐，熟視迦留陀夷。迦留陀夷亦復熟視比丘

尼迦留陀夷坐起單著泥洹僧在前行時比  
丘尼亦單著一衣逐迦留陀夷後行不欲身  
相觸何以故畏犯戒迦留陀夷姪意熾盛便  
踞地失精汚泥洹僧比丘尼以知失精時比  
丘尼更取一泥洹僧笈持去浣迦留陀夷更  
著衣已便與使浣比丘尼取此衣屏處浣取  
浣汁飲半半從下灌即覺有娠還所在身漸  
漸大諸比丘尼罵咄惡比丘尼汝非晚作比  
丘尼小小入道此何由而得諸比丘尼善責  
數之時蠅多比丘尼具說本末諸比丘尼不  
知當何為往具白世尊世尊告曰汝等莫呼  
此蠅多比丘尼犯戒何以故此清淨梵行莫



惡意向崛多比丘尼經八月九月中生一男  
見顏貌端正諸比丘尼聞生男兒往具白世  
尊世尊因此與比丘尼結戒一比丘尼不得  
獨宿有二比丘尼得宿不得與男子宿得與  
崛多比丘尼共宿諸比丘尼白佛世尊向者  
教不得與男子同室宿此今有兒當云何宿

世尊告曰兒未斷乳得與宿斷乳後不得與  
宿諸比丘尼受教已退還時世尊因此事集  
和合僧佛為沙門結戒若比丘非親里比丘  
尼與故衣浣者染輒令光出者尼薩耆波逸提  
佛世尊遊舍衛國祇樹給孤獨園時六群比  
丘數數至長者家與衣裳諸長者嫌其煩數

還相謂言此沙門釋子自言精進我等先既未許當與衣裳數數至此與衣裳十二法比丘聞便往白世尊世尊告曰若比丘非親里長者長者婦強逼與衣捨墮

或得初衣被賊或失衣或被火或衣朽敗或王奪得至長者長者婦家乞衣如所失取比丘若長取者捨墮

佛遊舍衛國祇樹給孤獨園有一長者婦與跋難陀釋子作衣時跋難陀聞某甲長者婦與我作衣即往至其家作是語卿若與我作衣極令好持用施我時長者即好作而與來至房中自譽語諸比丘某甲長者與我作此



好衣諸比丘默然不知當何答便往具白世尊世尊告曰若比丘聞他與作衣先未許便往經營教令極好作與我而取者捨墮

佛遊舍衛國祇樹給孤獨園有二家長者與

跋難陀作衣時跋難陀聞二家長者與作衣

往至彼家便作是語善哉長者與我作衣

者不足各作可合作一領姑伴者時長者壞二六卷

為一成而與之還至僧中自貢高語諸比丘

其二長者破二衣為一衣持用施我諸比丘

不知當何答往白世尊世尊告曰若比丘非

親里長者婦女先未許與作二領衣使破為

一而取者捨墮

佛遊舍衛國祇樹給孤獨園優填王聞舍衛  
比丘衣被儉惡即遣婆羅門使持衣直至舍  
衛與諸比丘諸比丘不取世尊不許取衣直  
已成衣者便取使人問比丘諸賢無有人能  
買衣者耶諸比丘荅無人比丘不知當云何  
即具白世尊世尊因此事集和合僧備十功  
德世尊姑六卷為沙門結戒世尊告比丘唐比丘欲買  
衣當借近知識守園人若五戒賢者此比丘  
言此買衣人此非買衣人因直詣市市衣此  
人若至市若錢肆金肆銅鐵肆綿絹絲肆使  
人於中坐比丘當四往五往六往默然在前  
立得者善若過六更往求者捨墮若不得衣



當自往若中遣信至得物家前所施衣直因  
信來者某甲比丘竟不得還自往索莫謂比  
丘得莫費散物

佛遊舍衛國祇樹給孤獨園時六群比丘取  
拘施用作新卧具諸長者見此沙門釋子不  
貪好取拘施作此卧具與王長者有何異諸

十二法比丘聞往白世尊世尊告曰若比丘

以拘施新作卧具者捨墮

拘施  
絲布

此六群比丘純用黑羊毛作新卧具世尊告

曰不得用黑羊毛作卧具作卧具者捨墮

時六群比丘復以純白羊毛作卧具世尊告

曰不得以純白羊毛作卧具若作卧具兩分

黑羊毛三分白羊毛四分。若違限作者捨墮。此六群比丘棄故卧具作新卧具。諸十二法比丘聞便往白世尊。世尊告曰。若比丘作卧具當滿六歲六歲已還捨更作者捨墮。若大壞敗當白衆衆許者得作。若不許而作者捨墮。

佛遊舍衛國祇樹給孤獨園時。跋難陀釋子新作尼師壇。故者捐棄。諸比丘見便往白世尊。世尊告曰。若比丘新作坐具取故者緣緣四邊以亂其色。若不取故緣緣四邊者捨墮。佛世尊遊舍衛國祇樹給孤獨園。尔時優陀夷與衆多比丘從拘薩羅至舍衛國道逢賈



客驅車策馬犬載毳至舍衛國其道中多  
賊夜諸比丘語賈客我等欲與汝為伴至舍  
衛國諸賈客報亦相貪為侶諸比丘畏塵土  
全體常在後行有一賈客車軸折語諸同伴  
汝等衆與我致少毳諸同伴語吾已分尚不  
能致況能致汝物便捨前進時此賈客對毳  
愁悶坐須臾姑六卷間諸比丘至時此賈客以毳布  
施比丘僧諸比丘各各分持而去時此路當  
由一城裏過路側人民語比丘言此毳為索  
幾許毳為貴賤貿易何物辛苦擔負獲何等  
利其中十二法比丘聞此語不知當何答前  
至舍衛具白世尊世尊告曰若比丘行路人

施羊毛得持行三由延若過者捨墮  
佛遊舍衛國祇樹給孤獨園時迦留陀夷所  
得毳分與諸比丘尼與我浣擇染爲色迦留  
陀夷波斯匿王善知識末利夫人阿闍梨諸  
比丘尼不違語與取毳浣擇染妨誦經稟受  
大愛道瞿曇彌往具白世尊世尊告曰若比  
丘非親里比丘尼與羊毛浣擇染者捨墮  
佛世尊遊鞞舍離獼猴江石臺所時跋難陀  
釋子平日著衣持鉢入毗舍離分衛時毗舍  
離城內有諸童子往街巷頭遙見跋難陀釋  
子來還相謂言此跋難陀是兇橫惡比丘我  
等取金銀試置道頭若取者我等當捉牽向



耆老時跋難陀釋子尋到其所便取此金銀  
諸童子來前牽捉汝為比丘何以不與取金  
銀跋難陀答我亦不盜此落墮地我取之便  
將詣耆老所童子語耆老此比丘盜我金銀  
諸耆老盡信佛法眾語此童子言此沙門釋  
子信不盜汝金銀復語跋難陀賢嚴還舍莫  
復更姑為跋難陀即還語諸比丘諸比丘不知  
當何答往具白世尊世尊告曰若比丘若手  
捉金銀教他人捉者捨墮

佛遊舍衛國祇樹給孤獨園時跋難陀釋子  
坐肆販賣金銀求利諸長者嫌自相謂言此  
沙門釋子自坐肆販賣金銀求利與彼賈客

有何異十二法比丘聞往白世尊世尊告曰  
若比丘坐肆販賣金銀求利與世人不別者  
捨墮

佛世尊遊舍衛國祇樹給孤獨園時跋難陀  
釋子復挾雜物分一爲二而行貨賣諸長宿  
見自相謂言此沙門釋子自稱精進懷雜物  
而行貨賣欲活誰命十二法比丘往具白世  
尊世尊因此事集和合僧備十功德世尊爲  
沙門結戒若比丘挾種種物行市貨賣者捨墮  
佛世尊遊舍衛國祇樹給孤獨園小時跋難  
陀釋子與一坐肆賣香小兒相識肆上有一  
摩尼鉢跋難陀釋子見語小兒言此鉢甚好



可以施我即以盛滿飯而施持此鉢詣祇洹  
語諸比丘我每出行吉無不利過香肆前有  
一小兒以此鉢布施我諸比丘聞語云何比  
丘當畜長鉢即往具白世尊世尊告曰若比  
丘得長鉢不得過十宿若過十宿不捨者捨  
墮

佛世尊遊王舍城竹園迦蘭陀所尔時長者  
樹提遣子弟入海採寶得牛頭栴檀一枚還  
來詣家子弟便作是念我當持往獻長者樹  
提即以上之長者藏中栴檀甚多雖得此栴  
檀不以著意即勅巧師刻以作鉢堅大長木  
去地十仞舉鉢置上發心念言其有沙門婆

羅門不施梯閣能得取者便以施之時富蘭  
迦葉聞長者樹提與我作好梅檀鉢即往詣  
其舍便語樹提長者審作梅檀鉢用施我耶  
長者報我不爲一人作今豎大長木去地十  
仞鉢在其上其有沙門婆羅門不施梯閣能  
得取者便以施之富蘭迦葉便作是念無此  
神足姑能得彼鉢即座起振信頭而去尋後摩  
訶離瞿耶婁阿夷端波休迦旃先毗盧持尼  
乾弗來詣樹提長者舍語長者言審與我作  
梅檀鉢那長者答我不爲一人作今豎長木  
去地十仞鉢在其上其有沙門婆羅門不施  
梯閣能得取者便以施之六師復作是念無



此神足得取彼鉢即從座起振信頭去時尊者賓頭盧聞樹提長者作栴檀鉢堅大長木去地十仞若有沙門婆羅門不施梯閣能得取者便以施之時賓頭盧往詣尊者目捷連所頭面禮足在一面坐賓頭盧白目捷連當知樹提長者造栴檀鉢堅大長木去地十仞以鉢置頭若有沙門婆羅門不施梯閣能得取者便以施之世尊常歎聲聞之中目捷連神足第一可往取之時目捷連答以木鉢故現神足乎以是故我不往取時尊者賓頭盧即還房中明日平旦著衣持鉢上下齊整不左右顧視如擎油鉢念不散端攝五根如牛被

駕往詣樹提長者。長者遙見尊者，賓頭盧來行步安庠，被僧伽梨提鉢持杖，即起出迎。叉手白言：善來賓頭盧，久不來此，聖體輕強，不可於此坐時尊。尊者賓頭盧即坐樹提長者頭面禮足，在一面。賓頭盧問長者：聞汝作栴檀鉢，豎大長木，以平鉢著上，其有沙門婆羅姑門不施梯閣，能得而尊者便以施之，為實。余不六卷長者答曰：審有此語時，賓頭盧不起于座，遙申手取鉢。長者見之，神變歡喜踊躍。長者白言：願借此鉢入舍，無飯即入，盛滿羹飯，授與賓頭盧。賓頭盧即入，詣竹園迦蘭陀所，語諸比丘。我向者至樹提長者家，大長木頭取此鉢。



諸比丘聞不知何答往具白世尊世尊知而  
問賓頭盧汝審爲此事耶審尔世尊世尊告  
曰云何比丘坐小木鉢自現神變賓頭盧我  
今擯汝終身不得入泥洹不得住閻浮提時  
尊者賓頭盧受世尊擯從座起頭面禮足遶  
三帀而去時世尊見賓頭盧去不久集和合  
僧爲沙門結戒若比丘恒自食鉢破爲五分  
綴用若更求好者入墮比丘得新鉢當持故  
者還比丘僧比丘僧持新者授此比丘終身  
持壞乃止時賓頭盧還房收攝什物即坐三  
昧沒閻浮提出拘毘尼於彼夏坐中授五百  
優婆塞優婆夷戒五百弟子授具足戒起五

百塔婆五百房薦席床拘遙梳各五百賓頭  
盧於拘耶尼而作佛事

佛在釋呌瘦迦維羅衛尼拘陀園時諸釋種  
別有織衣房時六群比丘從諸長者乞求線  
至親里釋家語可勅織房與我織成作衣時  
諸織人既不得價又不得食各怨恨言此沙

門釋子強以力逼迫使我織衣十二法比丘  
便具往白世尊世尊告曰若比丘從長者家  
乞線縷強使非親里織作衣者捨墮

佛在釋呌瘦迦維羅衛尼拘陀園爾時迦維  
羅衛釋與跋難陀釋子織衣跋難陀聞釋種  
與我作衣即往織房語織人言汝知不與我



織此衣極令好妙我分衛飲食以相供給時  
跋難陀語諸比丘比丘不知當何答便往具  
白世尊世尊告曰若比丘先未然許竊至作  
坊語織人言好織此衣極令使妙我當分衛  
以相供給若得衣者捨墮

佛在舍衛國祇樹給孤獨園姑今時跋難陀有

一弟子姑戒行純備跋難陀十一素性喜治生賈販

作是念我此弟子足供手力即以衣一領布

施弟子今時世尊於夏坐竟將諸比丘著衣

持鉢普行分衛跋難陀弟子辭索從佛而不

肯放弟子報是非當去跋難陀語弟子我所

以與汝衣者事須手力故若欲去者留此衣

即前強奪弟子涕泣詣如來所頭面禮足具  
白世尊世尊告曰若比丘與比丘衣後便瞋  
恚強力還奪若教人奪比丘取此衣來我不  
與汝此比丘當還衣彼比丘取衣者捨墮<sub>上</sub>  
佛出世尊遊舍衛國祇樹給孤獨園尔時世尊  
及比丘僧在舍衛夏坐尔時比丘於歲裏人  
人施衣諸比丘不取往白世尊世尊告曰若  
比丘於歲裏人施衣當善意受莫逆檀越意  
佛因此事世尊為沙門結戒十日未至歲比  
丘得衣即當受若得新衣應傳至歲過十日  
當用施人若留者捨墮

佛在舍衛國祇樹給孤獨園時尊者婆覆常



阿練兒處空留僧伽梨入舍衛國還所在失僧

伽梨便語諸比丘我入舍衛城後失僧伽梨  
諸比丘不知當云何荅往具白世尊世尊告  
曰三月後一月阿練兒比丘住空閑處欲有  
所至前有虎狼盜賊此比丘從空閑處以三  
衣送寄城內此比丘行得六宿離三衣若過

六宿捨墮

姑六卷十三

佛世尊遊舍衛國祇樹給孤獨園時毗舍佉  
蕪夷羅母請佛及比丘僧即夜施設飯具明  
日敷座遣一使人至祇樹給孤獨園白佛及  
僧飯食已辦食時已到時此使人即到祇洹  
值諸比丘露地洗浴像尼捷子使人便作是

念此間無有沙門釋子純尼捷子滿祇洹中  
即還白無有沙門釋子一切盡尼捷子滿祇  
洹中毗舍佉得道迹聰明人便作是念比丘  
僧必當露地浴復重遣往白佛及僧食具已  
辦今正是時使便往白佛將比丘僧至毗舍  
佉舍各次第坐坐定自手行澡水布種種飲  
食比丘僧食竟行澡水已在一面坐以向者  
事具白出尊願世尊聽施比丘舍賴世尊即  
許佛達觀而去到祇洹因此事與比丘結戒  
春一月過比丘當作遮雨舍賴半月一月得

持若過者捨墮

少未至  
歲一月

佛世尊遊舍衛國祇樹給孤獨園尔時尊者



夜舍與大比丘僧遊拘薩羅界長者婆羅門  
普識夜舍供養比丘僧飯餅甘饌及白疊施  
比丘僧達嚫所得物夜舍持入已諸比丘見  
自相謂言此比丘云何取比丘僧物即往白  
世尊世尊告曰若比丘知是比丘僧物自入  
已擅越欲施比丘僧物往求以入已捨墮

佛遊舍衛國祇樹給孤獨園時尊者畢陵伽  
婆蔡患兩目痛諸長者婆羅門送飯食供具  
四種藥蘇麻油蜜黑石蜜積貯日日服諸比  
丘見往具白世尊世尊因此事集和合僧備  
十功德佛為沙門結戒若比丘積貯四種藥  
不得過七日過者捨墮

耆沙離白佛云何名尼薩耆世尊告曰若三  
失三衣更不得受亦不得著若貧易若旬人  
此名尼薩耆波逸提名燒聖道根煮人不得  
生三昧此名捨墮

戒因緣經卷第六

十四紙

始

屏猥

上音餅

作隈烏回

儔疋

上音直

蠹

下音

鼠齒

下吾結

反玉

淋

廩食

上力

悲品

反正

蔽

諾

反如各

弓

韃

鼻時

官上

搗

瓜

捷槌

乾下直

捷雅直利

長衣

上音

敵

徒的

恬息

上徒

裹此

上音

賀易

或作莫候

鵠白

上胡

有

娠

下音

身輾

正作

劬衣

上初

尪

反毛江

緣

去

毳

歲初



及賊寇

下 候 反 苦

摩琨

下 尼 字

伺

音 刃

濞波

上 土 官 反

挾俠

上 胡 頰  
擯

必 刃 反

綴


知 衛 聲

竊

音 切

旬

音 蓋



心 心

心 心

Vertical text on the left margin, including characters like '大' and '小'.

